



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Dvci Boemiae.

urn:nbn:de:hbz:466:1-20006

rātōrem electō, quem nos in Regem recepimus, & regalem ei praecepimus honorificentiam exhiberi, communia sint futura. Cūm igitur negotiū ejus propriè proprium debeat reputare, nobilitatem tuam monemus & exhortamur in Domino & per apostolica tibi scripta mandamus quatenus ad honorem & exaltationem ejus, immo tuam in eo, viriliter & potenter intendas & ita promotionē ejus studeas procurare quod idem Rex expertus in te fraternalis devotionis affectum, fratrem se tibi debeat in omnibus in quibus cum eo Dominus misericordiam fecit exhibere. Sanē cūm haec tenus, dum adhuc negotiū ejus esset finis incertus, viriliter pro eo sterteris & cum eo, tanto cetero ei fortius assistere ac favere teneris quanto de incremento ejus certior es effectus. Sic igitur nos in eo & ipsum in nobis studeas devotē ac efficaciter honorare sicut à nobis & ipso in tuis desiderias desiderabilibus exaudiri. Datum.

PATERA RCHA AQVILENSI.

Epiſt. 42. **G**ratum gerimus & acceptum quod, sicut dilectus filius noster Gregorius tituli sancti Vitalis Presbyter Cardinalis nobis exposuit, super factō imperij nolivisti haec tenus in partem alteram declinare, sed super eo dispuſtū potius acquiescere consiliis nostris & monitis obedire, quod & tu prius nobis per tuas litteras intimaras. Super quo fraternitatem tuam dignis in Domino laudibus commendamus & prosequimur actionibus gratiarum, cūrā id certum nobis sit tua devotionis indicium & sinceritatis evidens argumentum. Sanē cūm Ecclesia Romanae dīpendum &c.

DVCI ZARINGIAE.

Epiſt. 43. **M**eminimus nos olim tuę nobilitatis litteras recepisse, quibus nos monebas humiliter & efficaciter inducebas ne nobili viro Philippo Duci Sueviae super factō imperij praefaremus assensum, cūm genus ipsius tam Ecclesiam quam Principes multipliciter fuerit persecutum. Nos autem ex iis intelleximus mentem tuam, videlicet quod et si favere forsitan, tum propter ejus potentiam, tum propter vicinitatem & alias circumstantias, videris, ipsi tamen animo non favebas. Cūm ergo nos, quia duobus ad imperium obtainendum favere non possumus, nec est tam persona in imperio quam imperio in persona providendum, quia etiam ad hoc dignior reputatur qui magis idoneus reperitur, personam praedicti Duci quoad imperium, praefertim hoc tempore, obtainendum penitus propter impedimenta patentia quae per litteras generales exprimimus reprobamus, sicut ut per tuas nos litteras monuist, sic nobilitatem tuam rogamus, monemus, & exhortamur, & per apostolica scripta mandamus quatenus non obstante juramento, si quod eidem Duci ratione regni forsitan praestitisti, cūm nos illud, eo reprobato, decreverimus non servandum, de cetero carissimo in Christo filio nostro illustri Regi Ottoni in Romanorum Imperatorem electo & à nobis opportuno tempore dante Domino coronando fideliter & constanter adhæreas, & partem ejus viriliter & potenter stu-

Tom. I.

deas conforere; ita quod devotionem tuam possimus in Domino commendare, & ad honorem & profectum tuum & tuorum apud ipsum intendere meritō debeamus. Sanē si aliter, quod non credimus, ageres, videris scripsisse nobis aliud quam sentires, & sic illudere voluisse; propter quod contemptum nostrum non possemus sub dissimulatione transfire. Datum.

DVCI BOEMIAE.

Epiſt. 44. **E**t si commendabilis in eo videaris quod ad honoris & dignitatis tuę profectum & angustum intendis, reprehensibilis tamen apparet ex eo quod ab eo imponi tibi petisti regium diadema, qui nondum legitimè dignitatem regiam est adeptus. Qualiter enim posset nobilis vir Philippus Dux Sueviae conferre alij quod nondum ipse accepit, cūm non colligantur de spinis uvæ nec de tribulis fucus, nec sit facile fugere mel de petra vel oleum de faxo durissimo, tua nobilis satis intelligit per se ipsam. Licet autem quia duobus &c. in eundem modum ut in precedenti usque reprobemus, volentes tamen honori tuo follicitudine paterna consulere, nobilitatem tuam monemus & exhortamur attentiū & per apostolica tibi scripta mandamus ut carissimo in Christo filio nostro illustri Regi Ottoni in Romanorum Imperatorem electo & à nobis opportuno tempore dante Domino coronando fideliter & constanter adhæreas, & ab ipso imponi tibi postules regium diadema. Cūm autem apostolica sedes post fundamentum illud de quo inquit Apostolus, *fundamentum possum est præter quod aliud pon non potest, quod est Christus Iesus*, fundamentum totius Christianitatis existat, juxta illud evangelij, *Tu es Petrus*, & super hanc petram adiutorio Ecclesiam meam, nos, qui, licet insufficientibus meritis, ad ejus sumus regimen evocati, procurabimus ex collata nobis plenitudine potestatis ut quod factum fuit eriam posterorum tuorum temporibus obtineat firmatatem; eundemque Regem per venerabilem fratrem nostrum Episcopum Prænestinum apostolicae sedis Legatum, virum scientia præditum, conspicuum honestate, religione laudandum, quem inter ceteros fratres nostros specialis dilectionis brachii amplexamur, & dilectum filium magistrum Philippum Notarium nostrum, virum providum & dilectum, nobis & fratribus nostris acceptum, duximus commonendum ut se tibi facilem & benevolum studeat exhibere, quod ex quanta benignitate procedat, industria tuae relinquimus discernendum. Datum ut supra.

*Vide Dubras**viam lib. 15.*

ARGENTINENSI EPISCOPO.

Epiſt. 45. **C**erto jampridem experimento didicimus quod et si nobili viro Philippo Duci Sueviae quadam quasi necessitate coactus favere forsitan videaris, carissimo tamen in Christo filio nostro illustri Regi Ottoni in Romanorum Imperatorem electo & à nobis opportuno tempore dante Domino coronando interius mente faves, utpote cui te adhæsisce ab initio & fidelitatis juramentum intelleximus praestitisse. Quia verò necessitate cessante cessare debet patriter quod urgebat, fraternitatem tuam per

XXX